



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

հոկտեմբերի 2022 թվականի N<sup>o</sup>Ա  
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ ՄԻ  
ՇԱՐՔ ՕՐՅԵԿՏՆԵՐԻ ԳԱԶԻՖԻԿԱՑՄԱՆ ՄԱՍԻՆ**

Հաշվի առնելով, որ՝

ա) Հայաստանի Հանրապետության պաշտպանության նախարարությունը (այսուհետ՝ Դիմող անձ) 2022 թվականի օգոստոսի 8-ի N<sup>o</sup>ՊՆ/510/3794-2022 գրությամբ դիմել է Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով)՝ հայտնելով, որ անհրաժեշտ է գազիֆիկացնել հանրապետության մի շարք քաղաքներում տեղակայված օբյեկտներ (այսուհետ՝ Օբյեկտներ): Դիմող անձը խնդրել է Հանձնաժողովի միջամտությունը՝ ստանալու Օբյեկտների գազիֆիկացման տեխնիկական պայմանները և սեփական ուժերով իրականացնելու գազիֆիկացման աշխատանքները,

բ) Դիմող անձը 2022 թվականի սեպտեմբերի 22-ի N<sup>o</sup>ՊՆ/510/4505-2022 և «Գազպրոմ Արմենիա» փակ բաժնետիրական ընկերությունը (այսուհետ՝ Ընկերություն) 2022 թվականի սեպտեմբերի 26-ի N<sup>o</sup>02/18.1/2889 գրություններով հայտնել են, որ չեն առարկում Օբյեկտների գազիֆիկացման աշխատանքները սույն որոշմամբ սահմանված ընթացակարգով իրականացնելուն,

և հիմք ընդունելով Հանձնաժողովի 2005 թվականի հուլիսի 8-ի N<sup>o</sup>95Ն որոշմամբ հաստատված բնական գազի մատակարարման և օգտագործման կանոնների 10.15-րդ կետը՝ Հանձնաժողովը **որոշում է.**

1. Սահմանել, որ՝

1) Սույն որոշման հավելվածում նշված բնակավայրերում գտնվող Օբյեկտները գազիֆիկացվում են Դիմող անձի դիմումի համաձայն, Ընկերության կողմից տրամադրված տեխնիկական պայմանների հիման վրա, բնական գազի

մատակարարման և օգտագործման կանոնների 10.2 գլխում նշված ընթացակարգով.

- 2) Ընկերությունն իրավունք չունի Դիմող անձից պահանջել ներկայացնելու տեղեկատվություն և փաստաթղթեր կամ նրան ծանրաբեռնել պարտավորություններով, եթե դրանք սահմանված չեն սույն որոշմամբ կամ այլ նորմատիվ իրավական ակտերով:
2. Սույն որոշումն ուժի մեջ է մտնում Դիմող անձին և Ընկերությանը օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝ Գ. ԲԱՂՐԱՄՅԱՆ**

ք. Երևան  
հոկտեմբերի 2022թ.